



Մ Ա Յ Ր Ա Թ Ո Ռ Ո Ւ Մ

ՀՈՒԼԻՍԻ 1-ԻՆ, ԵՐԵՎԱՆԻ, Հոգևոր Ճեմարանի վերատեսուչ գերաշնորհ Տ. Հայկազուն սրբազանը 15 օրվա արձակուրդով մեկնեց Ռոստով, իր ազգականների մոտ: Սրբազան հայրը Ռոստովի հայոց Ս. Գրիգոր Լուսավորիչ Մայր եկեղեցում քարոզել է և պատարագել, այցելել է Ս. Խաչ վանքի և գերեզմանատան եկեղեցին:

Գերաշնորհ Տ. Հայկազուն սրբազանը Ռոստովում գտնված միջոցին, տեղի ուսաց եկեղեցու առաջնորդ գերաշնորհ Տ. Ֆլավիանոս սրբազանի հրավերով այցելել է ուսական եկեղեցին և ներկա է եղել սրբազան արարողության:

Հայկազուն սրբազանը հուլիսի 15-ին վերադարձավ Մայր Աթոռ լավագույն տպավորություններով:

ՀՈՒԼԻՍԻ 6-ԻՆ, ԿԻՐԱԿԻ, «Բարեկենդան Վարդավառի պահոց»: Մայր Տաճարում պատարագեց և քարոզեց արժանապատիվ Տ. Հովհաննես քահանա Մարությանը «Եթէ արմատն սուրբ է ապա և ոստքն» բնաբանով:

ՀՈՒԼԻՍԻ 8-ԻՆ, ԵՐԵՎԱՆԻ, Մայր Աթոռ ժամանեց վրահայոց առաջնորդ գերաշնորհ Տ. Կոմիտաս սրբազանը թեմական գործերով: Սրբազանը իր թեմը վերադարձավ հուլիսի 12-ին, շաբաթ օր:

ՀՈՒԼԻՍԻ 13-ԻՆ, ԿԻՐԱԿԻ, Վարդավառ, «Պայծառակերպության Տեառն մերոյ Ցիսուհի Քրիստոսի»: Տեղումնական մեծ տոնի առիթով Մայր Տաճարում եպիսկոպոսական հանդիսավոր պատարագ մատուցեց լուսարարապետ գերաշնորհ Տ. Սահակ արքեպիսկոպոսը և քարոզեց Քրիստոսի աշակերպության տոնի հոգևոր ու բարոյական նշանակության մասին:

Սուրբ պատարագին ներկա էր Վեհափառ Հայրապետը:

Օրվա տոնի կապակցությամբ Մայր Աթոռ ուխտի էր եկել հավատացյալների հոծ զանգված:

ՀՈՒԼԻՍԻ 14-ԻՆ, ԵՐԵՎԱՆԻ, «Յիշատակ մեռելոց»: Մայր Տաճարում պատարագեց հոգեշնորհ Տ. Մաշտոց արեղա Թադևրյանը: Հավարտ սուրբ պատարագի կատարվեց հոգեհանգիստ «վասն համօրէն ննջեցելոց»:

ՀՈՒԼԻՍԻ 15-ԻՆ, ԵՐԵՎԱՆԻ, Մայր Աթոռ ժամանեց Գեղարդի վանքի վանահայր հոգեշնորհ Տ. Մուշեղ վարդապետ Պետիկյանը վանական հարցերով և հուլիսի 18-ին վերադարձավ իր պաշտոնատեղին:

ՀՈՒԼԻՍԻ 17-ԻՆ, ՀԻՆԳՇԱՐԹԻ, թեմական գործերով Մայր Աթոռ ժամանեց Շիրակի թեմի առաջնորդական փոխանորդ հոգեշնորհ Տ. Հայրիկ վարդապետ Ավետիսյանը: Ամսի 22-ին առաջնորդական փոխանորդը վերադարձավ իր թեմը:

ՀՈՒԼԻՍԻ 19-ԻՆ, ՇԱՐԱԲ, «տօն Սրբոյն Թադէոսի առաքելոյն և Սանդատոյ կուսին»: Մայր Տաճարում պատարագեց հոգեշնորհ Տ. Հարություն արեղա Մատենւյանը:

ՀՈՒԼԻՍԻ 20-ԻՆ, ԿԻՐԱԿԻ, Մայր Տաճարում պատարագեց հոգեշնորհ Տ. Հուսիկ արեղա Սանթրոյանը և քարոզեց Շիրակի թեմի առաջնորդական փոխանորդ հոգեշնորհ Տ. Հայրիկ վարդապետ Ավետիսյանը խաղաղության մասին:

Սուրբ պատարագին ներկա էր Վեհափառ Հայրապետը:

ՀՈՒԼԻՍԻ 27-ին, ԿԻՐԱԿԻ, Մայր Տաճարում եպիսկոպոսական հանդիսավոր սուրբ պատարագ մատուցեց և քարոզեց Հոգևոր Ճեմարանի վերատեսուչ գերաշնորհ Տ. Հայկազուն եպիսկոպոս Աբրահամյանը «Երուսաղէմ, Երուսաղէմ. թէ մոռացայց զքեզ» բնաբանով:

Սուրբ պատարագին ներկա էր եգիպտոսից և Ֆրանսիայից ժամանած տուրիստներ 70 հոգուց բաղկացած խումբը:

Հավարտ սուրբ պատարագի Վեհափառ Հայրապետը բարեհաճեց տուրիստներին ընդունել Վեհարանում, զրուցել նրանց հետ, հետաքրքրվել Ֆրանսահայ և եգիպտահայ ազգային-եկեղեցական և մշակութային կյանքով և վերջում օրհնել բոլորին ու մաղթել նրանց բարի ճանապարհ:

ՀՈՒԼԻՍԻ 30-ին, ՉՈՐԵՔՇԱՐԹԻ, առավոտյան ժամը 9-ին Վեհափառ Հայրապետը 20 օրվա արձակուրդով մեկնեց Կիսլավոդսկ՝ հանգստանալու համար Գորնիի վերջինի սանատորիայում:

Երևանի օդանավակայանում Վեհափառ Հայրապետին ճանապարհեցին Գերագույն Հոգևոր Խորհրդի անդամները, Մայր Աթոռի միաբանությունը, վանքի պաշտոնեությունը և Երևանի եկեղեցիների քահանայից դասը: Վեհափառ Հայրապետին ճանապարհեց նաև Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահ պր. Ս. Գասպարյանը: Վեհափառ Հայրապետին ընկերակցում էր գավազանակիր հոգեշնորհ Տ. Մեսրոպ վարդապետ Անթարյանը:

ԱՅՑԵԼՈՒԹՅՈՒՆՆԵՐ

ՀՈՒԼԻՍԻ 4-ին, ՈՒՐԱԱԹ, Մայր Աթոռ Ս. Էջմիածին այցելեց Մեծ Բրիտանիայի Մշակութային ընկերակցության պատվիրակությունը, որը մեր երկրում հյուր էր «ՍՍՌՄ—Մեծ Բրիտանիա» ընկերության հրավերով: Պատվիրակությանը գլխավորում էր Էդինբուրգի համալսարանի ռեկտոր Զեյմա Ռոբերտսոն Զաստիսը:

Հյուրերն ընդունվեցին պատշաճ հարգանքով Մայր Աթոռի միաբանության կողմից: Նրանք այցելեցին հնադարյան Տաճարը, եղան եկեղեցա-հնագիտական թանգարանում, որտեղ հիացմունքով դիտեցին եկեղեցական սպասները, ասեղնագործ իրերը, մագաղաթյա ձեռագրերի լավագույն նմուշները: Հյուրերը լավագույն տպավորություններով բաժանվեցին Ս. Էջմիածնից:

ՀՈՒԼԻՍԻ 5-ին, ՇԱՐԱԹ, Մայր Աթոռ այցելեցին Ռումինիայի հիդրոշինարարները: Նրանք դիտեցին Մայր Աթոռի ճարտարապետական կառուցվածքը, մանրանկարչությունը, եղան եկեղեցա-հնագիտական թանգարանում, որտեղ բացատրություններ տրվեցին հարգելի հյուրերին:

ՀՈՒԼԻՍԻ 7-ին, ԵՐԿՈՒՇԱՐԹԻ, Մայր Աթոռ այցելեցին չեխոսլովակյան ապակու

արդյունաբերության մի խումբ մասնագետներ: Նրանք հետաքրքրությամբ դիտեցին Մայր Տաճարն ու եկեղեցա-հնագիտական թանգարանը:

ՀՈՒԼԻՍԻ 12-ին, ՇԱՐԱԹ, Մայր Աթոռ Ս. Էջմիածին ժամանեց Բուլղարիայի մարմնամարզիկների պատվիրակությունը, որի կազմի մեջ էին Բուլղարիայի մարմնամարզության բացարձակ չեմպիոններ Թևոդոր Բոկվարովը և Սալտիրկա Տիրպովան, միջազգային մի շարք մրցումներում մրցանակ շահած Ստոյան Կոևը և ուրիշներ: Հյուրերը եղան Մայր Տաճարում և եկեղեցա-հնագիտական թանգարանում:

ՀՈՒԼԻՍԻ 4—25-ին Մոսկվայից, Լենինգրադից, Թբիլիսիից, Բաքվից և Սովետական Միության բազմաթիվ այլ քաղաքներից, ինչպես նաև Հայաստանի մի շարք շրջաններից Մայր Աթոռ Ս. Էջմիածին այցելեցին բազմաթիվ պատգամավորություններ, արշավախմբեր և այլ այցելուներ:

Այցելուներին և հյուրերին բացատրություններ էին տալիս և առաջնորդում գերաշնորհ Տ. Սահակ արքեպիսկոպոս Տեր-Հովհաննիսյանը և թագարանի վարիչ հոգեշնորհ Տ. Հուսիկ արեղա Սանթրույանը:

